

Saksbehandlar: Anne-Kjersti Stenehjøm, Fylkesrådmannen
Sak nr.: 16/179-1

Oppgåvene til fylkesrådet for eldre og korleis fylkesrådet skal jobbe i perioden 2016 - 2019

Vedlegg:

Reglement for fylkesrådet for eldre (sjå sak om møteplan for 2016)

SAKSFRAMSTILLING

I reglementet for fylkesrådet for eldre i Sogn og Fjordane er det oppført fylgjande oppgåver:

- Eldrerådet er eit rådgivande organ for fylkeskommunen.
- Eldrerådet skal ha til handsaming alle saker som gjeld levekåra for eldre.
- Eldrerådet skal i alle høve ha fylgjande saker til handsaming: Årsbudsjett, langtidsbudsjett, fylkesplan, og eller sektorplanar som har særleg interesse for eldre. Plikta til medverknad vil såleis gjelde tiltak og planar i sosial- og helsesektoren, samferdslektoren og kommunikasjonsplanar, kulturtiltak og andre fylkeskommunale tiltak som vedkjem eldre.
- Eldrerådet kan sjølv ta opp saker som vedkjem eldre i fylket.

For perioden 2011 – 2015 vart det utarbeida eit handlingsprogram for fylkesrådet for eldre der det m.a. var plukka ut fylgjande hovudtema:

- Dei eldre som ressurs
- Bustader og offentlege bygg
- Samferdsle
- Helse og omsorg
- Fritid, kultur og sosiale relasjonar
- Informasjon og kommunikasjon

I perioden 2011 – 2015 vart det prøvd ulike måtar å ha erfaringsutveksling og dialog med eldreråda i kommunane. I starten av perioden vart det halde samlingar for alle kommunane i fylket, og i slutten av perioden hadde fylkesrådet møte i nokre kommunar, der nabokommunane vart invitert til møtet.

Eldre sin rett til medråderett er ein viktig del av demokratiet og eldreråda skal fungere som eit talerør for innbyggjarane i kommunane og fylkeskommunane. Eldrerådet er eit forum for påverknad og medråderett og har mykje å gje fellesskapet. Det enkelte lokalsamfunn må heile tida verte bevisstgjort om kva som må til for å ivareta dei eldre sine rettigheter og velferd. Blant anna må det etablerast gode rutinar og forståing av kor viktig det er at eldrerådet både er tidleg aktiv og pådrivande for å bidra til at dei andre rådsorgana har eldrerådet sitt syn med seg i si handsaming av saker.

Spørsmål til diskusjon:

- Korleis ynskjer fylkesrådet for eldre å jobbe i perioden 2015 – 2019?
- Kva skal syne att av arbeidet som fylkesrådet gjer i inneverande periode? Kva må fylkesrådet gjere av tiltak for å sitje att med eit synleg resultat i utgangen av 2019?
- Kva dialog skal fylkesrådet ha med kommunane i fylket og korleis skal denne dialogen gå føre seg?